

dicellis binis, achæniis glabris omninò epapposis. (I) in demissis Carolinæ mediæ et Georgiæ fl. aprili. (v. s. fructiferum comm. à cl. Elliott.)

2. *A. GRACILIS*, glaber ad apices ramorum et pedicellorum hispidulus, foliis caulinis basi vix dilatatis, pedicellis 3-9, achæniis scabris brevissimè papposis. (I) in Mexico inter Bejar et Austin legit cl. Berlandier! Herba priori elatior et gracilior, circ. 6-8-pollic. Folia ferè linearia parcè dentata aut integerrima. (v. s.)

DCCLXXIX. *ARNOSERIS* *Gærtn. fr. 2. p. 355. t. 157. Cæass. dict. 25. p. 63 et 214. Less. syn. 127.* — *Lapsanæ* sp. *Lam.* — *Hyoseridis* sp. *Linn.*

Capit. multiflorum. Invol. post anthesin connivens, constans squamis circ. 12 lineari-lanceolatis acuminatis, squamellis paucis basi substipatum. Recept. planum margine alveolatum. Achænia obovato-pentagona basi attenuata pappo coroniformi brevissimo integro superata, exteriora obcompressa in alveolis basi subnidulantia. — Herba Europæa annua glabra. Folia radicalia oblonga seu obovata dentata basi attenuata. Caules plurimi aphylli simplices aut ramosi sub capitulis turbinato-inflati cavi. Capitula solitaria terminalia. Cor. flavæ.

1. *A. FUSILLA* (*Gærtn. l. c.*). (I) in Europæ arvis apricis. *Hyoseris minima* *Linn. sp. 1138. Fl. dan. t. 201. Engl. bot. t. 94. Schkuhr. handb. t. 224. Lapsana pusilla* *Willd. sp. 3. p. 1623. Lampsana minima* *Lam. dict. 3. p. 414. Lampsana gracilis* *Lam. fl. fr. 2. p. 102.* — *Clus. hist. 2. p. 143. f. 2. (v. v. et s.)*

DCCLXXX. *HYOSERIS* *Juss. gen. 169. Cass. dict. 22. p. 338.* — *Hedypnois* *Gærtn. fr. 2. p. 363. t. 160. Less. syn. 128 excl. syn. Tourn.* — *Hyoseridis* sp. *Linn.* — *Taraxaconastrum* *Vaill. act. ac. par. 1721.* — *Hyoserides acaules* *Willd.* — *Achyrastrum* *Neck. elem. 1 p. 57.*

Capit. multiflorum. Invol. 1-seriale, brevè calyculatum, squamis subconcavis achænia radii foventibus. Recept. nudum. Achænia rostrata obcompressa. Pappus radii brevissimus paleâ unâ alterâve elongatâ, disci longior biserialis paleis longissimè acuminatis. — Herbæ acaules regionis Mediterraneæ incolæ. Folia radicalia pinnatipartita. Scapi nudi 1-cephali. Flores lutei.

§. 1. *Involucro post anthesin etiam erecto, achæniis disci subulatis omnibus fertilibus.*

1. *H. MICROCEPHALA* (*Cass. dict. 22, p. 338*), scapis 1-cephalis apice incrassatis foliis brevioribus aut iis æqualibus, foliis radic. glabris aut ad costam subtus minutissimè puberulis pinnatipartitis, lobis triangularibus apice dentatis, invol. glabro 10-phylo etiam post anthesin erecto squamellis 5 minimis subulatis calyculato, achæniis obcompressis, exter. minutè papposis, inter. pappo 10-squamellato inæquali longo donatis. (I) in cultis, olivetis et agris regionis Mediterraneæ ferè totius. *Hyoseris scabra* *Linn. sp. 1138 non Moench. Hedypnois scabra* *Less. syn. 128. Rhagadiolus scaber* *All. ped. n. 833. Hyoseris adspersa* *Moench meth. 541. Hieracium Tragopogoni capit.* *Bocc. mus. t. 206. Capit. 10-flora parva.* (v. v. et s.)

β. *nana*, scapis teretibus folia non superantibus. 2℥ in insulâ Majorcâ ad margines viarum (*Delarochel*). An *Hyoseris nana* *Poir. suppl. 3. p. 82?* (v. s.)

§. 2. *Invol. post anthesin stellatim patente, achæniis disci exterioribus obcompressis alatis, intimis sterilibus teretiussculis.*

2. *H. RADIATA*, scapis 1-cephalis nudis teretibus foliis duplò longioribus, foliis